

e-BULETIN JSKM



**Pengalaman yang
Mendewasakan**
Norazah Umar

Antara Menarik di dalam

- Kolca Kuih Tradisional
- Egypt Trips
- Hebatnya Seorang Ibu
- Perisian Matematik untuk PdP
- Rindu yang Tiada Penghujung

Edisi November 2023



**DR NOR HANIM ABD RAHMAN &
SITI NURLEENA ABU MANSOR**

PROGRAM KHIDMAT SOSIAL PERPUSTAKAAN MINI DI MAAHAD RIYADHIL QURAN (MRIQ), KG. KUALA SIN, BUKIT SELAMBAU, KEDAH DARUL AMAN

Tanggal 12 Mei 2023, Jabatan Sains Komputer dan Matematik, UiTM Cawangan Pulau Pinang telah Berjaya menganjurkan program khidmat sosial perpustakaan mini di Maahad (Tahfiz) Riyadhil Quran, Sungai Petani. Memandangkan MRIQ merupakan sekolah tahfiz tanpa melibatkan matapelajaran akademik STEM sepanjang tempoh tiga tahun hafazan, maka program ini dianjurkan bagi memenuhi ruang tersebut. Program 'mini-library' ini merupakan usaha JSKM membuat pengumpulan buku-buku ilmiah yang bersesuaian dengan kurikulum terkini sekolah menengah rendah kebangsaan (Tingkatan 1 hingga 3).

lanya sebagai persediaan pelajar-pelajar tahfiz ini mempersiapkan diri dengan asas subjek-subjek STEM selepas tempoh menghafaz Al-Quran semalam tiga tahun tersebut. Pada masa yang sama, program ini merupakan kesinambungan program GEMS Bersama MRIQ yang telah diadakan pada 13-15 Oktober, 2022 yang lalu.

Program ilmiah ini melibatkan 10 staf JSKM yang terdiri daripada Dr. Nor Hanim Abd Rahman, Siti Nurleena Abu Mansor, Norshuhada Samsudin, Farah Hayati Mustapa, Siti Mariam Saad, Mahanim Omar, Noor 'Aina Abdul

Razak, Syarul Heiry Yahaya, Ahmad Rashidi Azudin, serta Ts. Dr. Hj. Rozita Kadar selaku penasihat.

Maka objektif utama program ini adalah menyediakan perpustakaan mini melibatkan pengumpulan bahan-bahan rujukan dan ilmiah sebagai persiapan asas bagi pelajar-pelajar tahfiz untuk subjek STEM terutamanya matematik, dan menghulurkan sedikit sumbangan hari-rya kepada penghuni tahfiz yang majoritinya terdiri daripada keluarga asnaf. Ia juga serta mendidik staf JSKM sifat empati dan keperhatian terhadap keperluan masyarakat sekeliling. Program yang dijalankan ini juga adalah bagi memenuhi KPI jabatan serta SDG (Education Enhancement).

Alhamdulillah dengan usaha ramai pihak, 300 buah buku telah berjaya dikumpul dalam masa 2 minggu dan disumbangkan kepada pihak Maahad. Dengan program sebegini, diharapkan mendapat manfaat dan barakah untuk semua.



Foto kenangan perwakilan dari JSKM, UITMCPB Bersama Mudir dan Pegawai MRIQ, Ustaz Hazwan dan En. Wan Mohd Hanis.